



26. september 2013

Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

1.

Naalackersuisut Kalaallit Nunaanni eqqartuussiveqarneq pillugu siunnersuisoqatigiit piumaffigisimanerpaat pinerluttulerinermi inatsimmi § 77, imm. 1, nr. 2, aamma § 78 imm. 1 aamma 2 allanngortinneqarsinnaanerannut siunnersuutigisimasakka isummerfigeqqullugit, soorlumi § 37 naapertorlugu siusinnerusukkut apeqqutinnut akissummi¹ neriorsuutigineqartoq?

2.

Apeqqut aappiuppat: Siunnersuisoqatigiit qanoq akippat? Naamiuppat: Sooq Siunnersuisoqatigiit apeqqutima oqaluuserineqarnissaanik piumaffigisimangilaat?

3.

Oaqugu Inatsisartut naatsorsuutigisinnaavaat Kalaallit Nunaanni Politiit pinngitsaaliilluni atornerluineqartillugu eqqartuussisarnermi periutsit pillugit paasissutissanik pissarsinissartik, soorlumi aamma akissummi tassani neriorsuutiginqartoq?

(Inatsisartunut ilaasortaq Naaja H. Nathanielsen, Inuit Ataqatigiit)

Tungavilersuut

Aasaq Naalackersuisut apeqquteqarfigaakka Inatsisunik atortitsinermut ministeri saaffigilersaarneraat, aappariinnerup iluani imaluunniit allanik kinguaassiutitugit atornerluinerup inatsisitugit paasinninnerup assigiinngissutaat iluarsivigeqqullugu.

Naalackersuisut akippat Eqqartuussiveqarneq pillugu Isumalioqatigiissitat kissaateqarfigineqarsinnaasut isumaliuutigeqqullugu Kalaallit Nunaanni Pinerluttulerinermi Inatsisip siunnersuuteqarnikkut imaluunniit allannguutaasinnaasunik suliaqarnissaanik kissaateqarfigineqarsinnaasut. Taasumap saniatugit pisortaqarfik Kalaallit Nunaanni politiinut pineqartoq pillugu, eqqartuussisarnermi periutsit pillugit paasissutissanik pissarsiniarnissaa oqaatigineqarpoq, kingornagut Inatsisartunut ilisimatitsissutitut nassiunneqarumaartunik.

Paasitinneqarpunga, Siunnersuisoqatigiit ulluni 15. aamma 16. august ataatsimiissimasut. Taamaattumik kissaatigaara siunnersuutiga oqaluuserineqarsimanersoq, aammalu qanoq inerreqarsimanersoq paasissallugu.

Ullumikkut inerteqqutaanngilaq nuliaasoq kinguaassiutitugit allatulluunniit iliuseqarnikkut atornerlussallugu. Taamaattumik arnat pingitsaaliinikkut

¹ § 37 akissut nr. 2013-106

atornerlunneqartut allatulluunniit iliuuseqarfigineqartut, arnanit allanit taamatut pineqartunit illersorneqarnikkut periarfissamikkut sanngiinnerusumik inissisimapput. Taanna qangatut eqqarsariaatsimut saatinneqarsinnaavoq, nunamullu arnanut ataqqinnikkusuttumut inatsiseqarnikkullu naapertuunnani.

§ 77. Pinngitsaaliilluni atoqatiginninnermut eqqartuunneqassaaq kinaluunniit ,
1) nakuuserluni imaluunniit nakuusernissaq siorasaarutigalugu pinngitsaaliilluni kujannittoq allatulluunniit kinguaassiuutitigut atoqatiginnittoq.
2) inummik katissimanngisaminik iliuutsimut akerlileeriansinnaanngitsumik kujannittoq allatulluunniit, kinguaassiuutitigut atoqateqartoq.

Imm. 2. Taamatuttaaq pineqassaaq kinaluunniit, iliuuseq imm. 1-imut ilaatinneqarsinnaanngikkaluartoq, unioqqutitsilluni pinngitsaaliilluni kujannittoq allatulluunniit kinguaassiuutitigut atoqatiginnittoq.

§ 78. Kinguaassiuutitigut atornerluinnermut eqqartuunneqassaaq kinaluunniit inuup niaqulaarnera, imaluunniit eqqarsartaatsimigut innarluuteqarnera atornerlullugu pineqartumik katissimanngisaminik, kujannittoq allatulluunniit kinguaassiuutitigut atoqatiginnittoq.

Imm. 2. Taamatuttaaq pineqassaaq kinaluunniit inuup atorfirmminik imaluunniit aningaasatigut, pinngitsuuisinnaannginneranik atornerluerujussuarluni katissimanngisaminik kujannittoq allatulluunniit, kinguaassiuutitigut atoqatiginnittoq.

Imm. 3. Aammattaaq eqqartuunneqassaaq kinaluunniit meeqqanut aamma inuusuttunut angerlarsimaffimmi, tarnimikkut nappaatilinnut napparsimmavissuarmi imaluunniit paaqqinniffimmi assingusumi atorfeqarluni nakkutilliisuulluniluunniit paaqqinniffimmiit-tumik kujannittoq allatulluunniit kinguaassiuutitigut atoqatiginnittoq.

Maannangaaq kissaatigissavara apeqqutikka ullut suliffiit qulit iluanni akineqarnissaat.